

摘藻堂四庫全書薈要

集部

欽定四庫全書薈要卷一萬七千六百四十八

集部

御定全唐詩卷二百四十三

韓翃

韓翃字君平南陽人登天寶十三載進士第淄青侯希
逸宣武李勉相繼辟幕府建中初以詩受知德宗除駕
部郎中知制誥擢中書舍人卒翃與錢起盧綸輩號大
厯十才子為詩興致繁富一篇一咏朝野珍之集五卷
今編詩三卷

令狐員外宅宴寄中丞

寒色凝羅幕同人清夜期
玉杯留醉處銀燭送歸時
獨坐隔千里空吟對雪詩

褚主簿宅會畢庶子錢員外郎使君

一作張繼詩

開甕臘酒熟主人賞同斜陽
疎竹上殘雪亂天

一作山

中更喜宣城印朝廷與謝公

送李明府赴滑州

渭城寒食罷送客歸遠道
烏帽背斜暉青驪踏春草
酒

醒孤燭夜衣冷千山早去事沈尚書應憐詞賦好

送李司直赴江西使幕

斂版辭漢廷進帆歸楚幕三江城上轉九里人家泊好
酒近宜城能詩謝康樂雨晴西山樹日出南昌郭竹露
點衣巾湖烟溼局鑰主人蒼玉佩後騎黃金絡高視領
八州相期同一鷲行當報知己從此飛寥廓

祭嶽回重贈孟都督

封作天齊王清祠太山下魯公秋賽畢曉日回高駕從

卷二百四十三
騎盡幽并同人皆沈謝自矜文武足一醉寒溪夜

送南少府歸壽春

人言壽春遠此去先秋到孤客小翼舟諸生高翅帽淮
風生竹簟楚雨移茶竈若在一作上八公山題詩一相報

贈別崔司直赴江東兼簡常州獨孤使君

愛君青袍色芳草能相似官重法家流名高墨曹吏春
衣淮上宿美酒江邊醉楚酪沃雕胡湘羹糝香餌前朝
山水國舊日風流地蘇山一作小逐青驄江家驅白鼻右

軍尚少年

一作年少

三領東方騎亦過小丹陽應知百城貴

經月巖山

并序

信州西三十里山名仙人城下有月巖山其狀秀
拔中有山門如滿月之狀余因役過其下聊賦是

詩

驅車過閩越路出饒陽西山山翠如畫簇簇生虹蜺羣
峯若侍從衆阜如嬰提巖巒互吞吐嶺岫相追攜中有
月輪滿皎潔如圓珪玉皇恣遊覽到此神應迷嫦娥曳

霞帔引我同攀躋騰騰上天半玉鏡懸飛梯瑤池何悄
悄鸞鶴烟中棲回頭望塵世露下寒淒淒

送客之江寧

春流送客不應賒南入徐州見柳花朱雀橋邊看淮水
烏衣巷裡問王家千閭萬井無多事闢戶開門向山翠
楚雲朝下石頭城江燕雙飛瓦棺寺吳士風流甚可親
相逢嘉賞日應新從來此一作北地夸羊酪自有尊羹定

却一作人
味可

送山陰姚丞攜妓之任兼寄山陰蘇少府

東風香草路南客，心容與白晳。吳王孫青娥，柳家女都門。
數騎出河口，片帆舉夜簟。眠橘洲春衫，倚楓嶼山陰。
政簡甚從容，到罷唯求物。外蹤落日花邊剡，溪水晴烟竹裏會。
稽峰才子風流蘓，伯玉同官曉暮應。相逐加餐共愛鱸，魚肥醒酒仍憐甘蔗熟。
知君鍊思本清新，季子如今德有鄰。他日如尋始寧墅，題詩早晚寄西人。

和高平朱

一作朱

參軍思歸作

髯參軍髯參軍身為北州吏心寄東山雲坐見萋萋芳草綠遙思往日晴江曲刺船頻向剡中回捧被曾過越人宿花裏鶯啼白日高春樓把酒送車螯狂歌好愛陶彭澤佳句唯稱謝法曹平生樂事多如此忍為浮名隔千里一雁南飛動客心思歸何一作可待秋風起

贈別成明府赴劔南

朝為主

一作

三室印晚為三蜀人遙知下車日正及巴山

春縣道橘花裏驛流江水濱公門輒無事賞地能相親

解衣初醉綠芳夕應採蹲鳴薦佳客霽水一作遠映西
川時閒望碧雞飛古祠愛君樂事佳興發天外銅梁多
夢思

送孫潑赴雲中

黃驄少年舞雙戟目視旁人皆辟易百戰能誇隴上兒
一身復作雲中客寒風動地氣蒼茫橫吹先悲出塞長
敲石軍中傳夜火斧冰河畔汲朝漿前鋒直指陰山外
虜騎紛紛膽應碎匈奴破盡人一作始看歸金印酬功

如斗大

送客還江東

還家不落春風後
數日應沾越人酒
池畔花深鬪鴨欄
橋邊雨洗藏鴉柳
遙憐內舍著新衣
復向一作喜鄰家醉

落暉把手閒歌香
橘下空山一望鷓鴣飛

送夏侯侍郎

自大理兼侍御史攝登州中路徵納吉之禮愛弟攝青州司馬故備

述其事

元戎車右早飛聲
御史府中新正名
翰墨已齊鍾大理

風流好繼謝宣城從軍曉別龍驤幕六騎先驅嘶近郭

前路應留白玉臺行人輒美

一作羨

黃金絡使君下馬愛

瀛洲簡貴將求物外遊聽訟不聞烏布帳迎賓暫著紫

綈表公庭日夕羅山翠功遂心閒無一事移書或問島

邊人立仗時呼鈴下吏事業初傳小夏侯中年劔笏在

西州浮雲飛鳥兩相忘

一作望

他日依依城上樓

送李湜下第歸衛州便遊河北

莫嗟太常屈便入蘇門嘯道在應未遲勿作我身料輕

雲日下不成陰出對流芳攪

一作擾

別心萬雉城東春水

濶千人鄉北晚花深舊竹青青常繞宅到時疎曠應自
適佳期縱得上宮遊旅食還為北邙客路出司州勝景
長西山翠色帶清漳仙人磯近茱萸澗銅雀臺臨野馬
岡屢道主人多愛士何辭策馬千餘里高譚魏國訪先
生修刺平原過內史一舉青雲在早秋恐君從此便淹
留有錢莫向河間用載筆須來闕下遊

張山人草堂會王方士

嶼花晚山日長蕙帶麻襦食草堂一片水光飛入戶千
竿竹影亂登牆園梅熟家醞香新涇頭巾不復蓂相看
醉倒臥藜牀

送禧縣劉主簿楚

起家得事平原侯晚出都門辭舊遊草色連綿幾千里
青驪躑躅路旁子花深近縣宿河陽竹暎春舟渡淇水
鄴下淹留佳賞新羣公舊日心相親金盤曉鱸朱衣鮒
玉簾宵迎翠羽人王程書使前期促他日應知舉鞭速

寒水浮瓜五

一作六

月時把君衣

一作香

袖長河曲

題玉山觀禪師蘭若

一本有歌字

玉山宴坐移年月錫杖承恩詣丹闕先朝親與會龍華

紫禁鳴鐘白日斜宮女焚香把經卷天人就席禮袈裟

禪牀久卧虎溪水蘭若初開鳳城裏不出囂塵見遠公

道成何必青蓮宮朝持藥

一作蕊

鉢千家近暮倚繩牀一

室空掖垣揮翰君稱美遠客陪遊問真理薄宦深知誤

此心回心願學雷居士

贈別上元主簿張著

上書一見平津侯
劔笏斜齊秣陵尉
朝垂綬帶迎遠客

暮鎖印囊飛上

一作小

吏長樂花深萬井時
同官無事有

歸期回船對酒
三生渚繫馬焚香
五願祠日日澄江帶
山翠綠芳都在經過
地行人看射領軍堂
遊女題詩光宅寺
風流才調愛君偏
此別相逢定幾年
惆悵浮雲迷遠道
張侯樓上月娟娟

別汜水縣

一本有尉陳字

未央宮殿金開鑰詔引賢良卷珠箔花間賜食近丹墀
烟裏揮毫對青閣萬年枝影轉斜光三道先成君激昂
谷永直言身不顧却詵高第

一作地

轉名香綠槐陰陰出

關道上有蟬聲下秋草奴子平頭駿馬肥少年白晷登
王畿五侯客舍偏留宿一縣人家爭看歸南向千峰北
臨水佳期賞地應窮此賦詩或送鄭行人舉酒常陪魏
公子自憐寂寞會君稀猶著前時博士衣我欲低眉問
知己若將無用廢東歸

別李明府

寵光五世腰青組出入珠宮引簫鼓醉舞雄王玳瑁牀
嬌嘶駿馬珊瑚柱胡兒夾鼓越婢隨行捧玉盤嘗荔枝
羅山道士請人送林邑使臣調象騎愛君一身遊上國
闕下名公如舊識萬里初懷印綬歸湘江過盡嶺花飛
五侯焦石烹江筍千戶沈香染客衣別後想君一作難
可見蒼梧雲裏空山縣漢苑芳菲入夏闌待君障日蒲

葵扇

送中允典邵州

官騎連西向楚雲
朱軒出餞書紛紛
百城兼領安南國

雙筆遥揮王

一本空此字

左君一路諸侯爭
館穀洪池高會

荆臺曲玉顏送酒
銅鞮歌金管留人
石頭宿北雁初回
江燕飛南湖春暖
著春衣湘君祠對
空山掩漁父焚香
日暮歸百事無留
到官後重門寂寂
垂高柳零陵過贈
石香溪洞口人來
飲醇酒登樓暮結
邵陽情萬里蒼波
煙靄生他日新詩
應見報還如宣遠
在安城

送萬巨

漢相見王陵揚州事張禹風帆木蘭楫水國蓮花府百

丈

一作頃

清江十月天寒城鼓角曉鐘前金鑪促膝諸曹

吏玉管繁聲美少年有時過向長干地遠對湖光近山

翠好逢南苑看人歸也向西池留客醉高

一作疎

柳垂煙

橘帶霜朝遊石渚暮橫塘紅牋色奪風流座白苧詞傾

翰墨場夫子前年入朝後高名籍籍時賢口共憐詩興

轉清新繼遠

一作遠繼

家聲在此身屈指待為青瑣客回頭

莫羨白亭人

送巴州楊使君

白雲縣北千山口青歲欲開殘雪後前驅錦帶魚皮鞮
側佩金璋虎頭綬南鄭侯家醉落暉東關陌上著鞭歸

愁看野

一作塵

馬隨官騎笑取秦人帶客旗使者下車憂

疾苦豪

一作家

吏銷聲出公府萬里歌鐘相慶時巴童聲

一作擊

節渝兒舞

送王侍御赴江西兼寄李袁州

中朝理章服南國隨旌旆臘酒湘城隅春衣楚江外垂
簾白角簟下筯鱸魚膾雄筆佐名公虛舟應時輩按俗
承流幾路清平明山靄春江雲溢城詩贈魚司馬汝水
人逢王右軍綠蘋白芷遙相引孤興幽尋知不近井上

銅人行見無湖中石燕飛應盡禮門前直事仙郎

一作建禮

門前直事郎

腰垂青綬領咸

一作宜

陽花間五

一作竹

馬迎君日

雨霽烟開玉女岡

寄雍丘竇明府

第十二句缺一字第十五句缺第十六句缺一字

少年結綬騁金羈許下如看瓊樹枝入里親過朗陵伯
出門高視潁川兒西遊太府東乘傳泗上諸侯誰不羨
時輩寧將白筆期高流竚向丹霄見何事翻飛不及羣
虎班突騎來紛紛吳江垂釣楚山醉身寄滄波心白雲
中歲胡塵靜如掃一官又罷行將老薛公薦士得君初
領黃金千室餘機盡獨親沙上烏家貧唯向釜中魚

出重門烟樹裏感物吟詩對暮天

懷人倚杖臨秋水別離幾日問前期鳴雁亭邊人去時

獨坐不堪朝與夕，高風蕭索亂蟬悲。

贈

一本有別字

兗州孟都督

少年親事冠軍侯，中歲仍遷北兗州。
露冕寧誇漢車服，下帷常討魯春秋。
後齋草色連高閣，事簡人稀獨行樂。
閒心近掩陶使君，詩興遙齊謝康樂。
遠山重疊水逶迤，落日東城閒望時。
不見雙親辨豐膳，能留五馬一作柳盡。

佳期北場爭轉黃金勒，愛客華亭賞秋色。
卷簾滿地鋪

糴

一作

管

一作

鳴弦開玉壺，願學平原十日飲。此

時不忍歌驪駒

別孟都督

平蕪霽色寒城下
美酒百壺爭勸把
連呼寶劍銳頭兒

少駐金羈大頭

一作宛
又作額

馬一飲留歡分有餘
寸心懷思

一作
惠

復何如他時相憶若

一作
如

相問青瑣門前開素書

送別鄭明府

長頭大鼻鬚如雪
早歲連兵劍鋒折
千金盡去無斗儲
雙袖破來空百結
獨戀郊扉已十春
高陽酒徒連此身

路傍誰識鄭公子谷口應知漢逸人
兒女相悲探井白
前功豈在他人後勸君不得學淵明
且策驢車辭五柳
贈別王侍御赴上都

翩翩馬上郎執簡佩銀章西向洛陽歸
檇杜回頭結念
蓮花府朝辭芳草萬歲街暮宿春山一
泉塢青青樹色
傍行衣乳燕流鶯相間飛遠過三峰臨
八水幽尋佳賞
偏如此殘花片片細柳風落日踈鐘小
槐雨相思掩泣
復何如公子門前人漸踈幸有心期當
小暑葛衣紗帽

望回車

贈別太常李博士兼寄兩省舊遊

兩年戴武弁趨侍明光殿一朝簪惠文客事信陵君簡
異當朝執香非寓直熏差肩何記室攜手李將軍玉鐙
初回酸棗館金鈿正舞石榴裙忽驚萬事隨流水不見
雙旌逐塞雲感舊撫心多寂寂與君相遇頭初白暫誇
五首軍中詩還憶萬年枝下客昨日留歡今送歸空披
秋水暎斜暉閒吟佳句對孤鶴惆悵寒霜落葉稀

一作
天霜

雪落

寄哥舒僕射

萬里長城家一生唯報國腰垂紫文

一作艾

綬一作綬

手控

黃金勒高視黑頭翁

一作稍公

遙吞白騎賊先麾牙門將轉

鬪黃河北帳下親兵皆少年錦衣承日繡行纏轆轤寶

劍初出鞘宛轉角弓初

一作新一作爭

上弦步人

一作又

抽箭大

如笛前把兩矛後雙戟左盤右射紅塵中鶻入鴉羣有

誰敵殺將破軍白日餘回旃舞旆北風初郡

一作羣

公楯

鼻好磨墨走馬為君飛羽書

贈別華陰道士


紫府先生舊同學腰垂彤管貯靈藥
耻論方士小還丹
好飲仙人太玄酪芙蓉山頂玉池西
一室平臨萬仞溪
書灑瑤臺五雲溼夜行金燭七星齊
回身暫下青冥裡
方外相尋有知己賣鮓市中何許人
釣魚坐上誰家子
青青百草雲臺春烟駕霓衣白角巾
露葉獨歸仙掌去
迴風片雨謝時人


送崔秀才赴上元兼省叔父

寒塘斂暮雪，臘鼓迎春早。
匹馬五城人，重裘千里道。
淮山輕露溼，江對狂風掃。
楚縣九醞醲，揚州百花好。
練湖東望接雲陽，女市西遊入建康。
行樂遠誇紅布旆，風流近睹紫香囊。
詩家行輩如君少，極目苦心懷謝朓。
烟開日上版橋南，吳岫青青出林表。

御定全唐詩卷二百四十三

謹案卷二百四十一第十四頁前一行浙滙吹酒
舫刊本滙訛樞據次山集改





總校官庶吉士臣張能照

校對官檢討臣王鍾健

謄錄監生臣沈心醇

欽定四庫全書
蒼會要

集部

御定全唐詩卷二百四十六
四至

詳校官候補通政司經歷臣郭祚斌

欽定四庫全書蒼會要卷一萬七千六百四十九

集部

御定全唐詩卷二百四十四

韓翃

贈別韋兵曹歸池州

(姓) 韓 (名) 翃 (字) 東野 (號) 五湖子 (籍) 南陵

八月天暮色遠峰前楚竹青陽路吳江赤馬船

一作腰金諸一作上客貴佩玉主人賢終日應相逐歸期一作

西歸定幾年

寄武陵李少府

小縣春山口

一作生日

公孫吏隱時楚歌催晚醉蠻語入新

詩桂水遙相憶花源暗有期郢門千里外莫怪尺書遲

贈張建

結客平陵下當年倚俠遊
看鞭驢劍醉脫驪裘翠
羽雙鬟妾珠簾百尺樓
春風坐相待晚一作曉日莫淹留

送監軍李判官

上客佩雙劍

一作吳鉤

東城喜再遊舊從張博望
新事鄭長

秋踏水向

一作過

金勒看

一作邊

風試錦裘知君不久住漢

將掃旄頭

送客歸廣平

家在趙邯鄲歸心輒自歡
晚杯狐腋暖春雪馬毛寒
五月途中破輕冰水上殘
到時楊柳色奈向故園看

送張儋水路歸北海

千里東歸客孤心憶舊遊
片帆依白水高枕卧青州
柏寢寒蕪變梧臺宿雨一作水
收知君心興遠每上海邊樓

送故人歸魯

魯客多歸興居

一作故

人悵

一作舍

別情雨餘衫袖冷風急

馬蹄輕秋草靈光殿寒雲曲阜城知君拜親

一作親

後少

婦下機迎

送故人歸蜀

一騎西南遠翩翩入劔門客衣筒布潤山舍荔枝繁古

廟祠金馬春江帶

一作抱一作鈞

白黿自應成旅逸愛客有王

孫

酬程延秋夜即事見贈

長簾迎風早空城澹月華星河秋一雁砧杵夜千家節
候看應晚心期臥亦一作賒向來吟秀句不覺已鳴鴉

送郭贊府歸淮南

駿馬淮南客歸時引望新江聲六合暮楚色萬家春白

苧歌西曲黃苞寄北人不知心賞後早晚見一作行塵

題龍興寺澹師房

雙林彼上人詩興轉相親竹裏經聲晚門前山色春捲
簾苔點淨下筇藥苗新記取無生理歸來問此身

送客遊江南

南使孤帆遠東風任意吹楚雲殊不斷江鳥暫相隨月
淨鴛鴦水春生荳蔻枝賞稱佳麗地君去莫應知

送高員外赴淄青使幕

遠水流春色回風送落暉人趨雙節近馬遞百花歸山
驛嘗官酒關城度客衣從來赤管筆提向幕中稀

尋胡處士不遇

到來心自足不見亦相親說法思居士忘機憶丈人微

風吹藥案晴日照茶巾幽興殊未盡東城飛暮塵

贈張道者

採藥三山罷乘風五日歸翦荷成舊屋剉蘂染新衣玉

粒指一作捐應久丹砂驗不微坐看青節引更一作要與白

雲飛

題蘇許公林亭一作錢起詩

平津東閣在別是竹林期萬葉秋聲裏千家落照時門

隨深巷靜窗過遠鐘遲客舍一作位又作住苔生處依依一作然

又賦詩

送元詵還江東

一作送太常元
博士歸潤州

過

一作渡

江秋色在

一作裏

詩興與歸心客路隨

一作緣

楓岸

人家掃橘林潮聲當晝起山翠近南深幾日華陽洞寒

花引獨

一作獨自尋

送

一作桂

客遊江南

桂水隨去遠賞心知有餘衣香楚山橘手繪湘波魚芳
芷不共把浮雲悵離居遙想汨羅上弔屈秋風初

送海州姚別駕

少年為長史東去事諸侯坐覺千閭靜閒隨五馬遊行
人楚國道暮雪鬱林州他日知相憶春風海上樓

送夏侯審

謝公鄰里在日夕問一作望佳期春水人歸後東田花盡

時下樓間待月行樂一作藥笑題詩他日吳中路千山入

夢思

送趙評事赴洪州使幕

孤舟行遠近一路過湘東官屬張廷尉身隨杜幼公山
河映湘竹水驛帶青楓萬里思君處秋江夜雨中

送李侍御赴徐州行營

少年兼柱史東至舊徐州遠屬平津閣前驅博望侯向
營淮水一作月滿吹角楚天秋客夢依依處寒山對白樓

送李秀才歸江南

一作送孫革
及第歸江南

過淮芳草歇千里又東歸野水吳山出家林一作村越鳥

飛荷香隨去棹梅雨點行

一作
溼征

衣無數滄

一作
蒼

江

一作
洲

客如君達者稀

題僧房

一作題慈恩寺振上人院

披衣聞客至關鎖此時開鳴磬夕陽盡捲簾秋色

一作氣

來名香連竹徑清梵出花臺身在心無住

一作事

他方一作

時到幾回

送壽州陳錄事

壽陽南渡口斂笏見諸侯五兩

一作片雨

楚雲暮千家淮水

秋開簾對芳草送客上春洲請問山中桂王孫幾度遊

送趙陸司兵歸使幕

客路青蕪遍關城白日低身趨雙節近名共五雲

一作侯

齊遠水公田上春山郡舍西無因得攜手東望轉悽悽

送蔣員外端公歸淮南

淮南芳草色日夕引歸船御史王元貺郎官顧彥先
光風千日暖寒食百花燃惆悵佳期近澄江與暮天

題慈仁寺竹院

一作恩

千峰對古寺何異到西林幽磬蟬聲下閒窗竹翠陰詩

人謝客興法侶遠公心寂寂爐烟裏香花欲暮深

贈鄆一作州馬使君

東方千萬騎出望使君時暮雪行看盡春城到莫遲路
人趨墨幘官柳度青絲他日鈴齋內知君亦賦詩

送張丞歸使幕一作張

繼詩

獨受主恩歸當朝似者稀玉壺分御酒金殿賜春衣拂
席流鶯醉鳴鞭駿馬肥滿臺簪白筆捧手戀清暉

贈長洲何主簿

挂席逐歸流，依依望虎丘。殘春過楚縣，夜雨宿吳洲。

一作

州野寺吟詩入，溪橋折筍游。到官無一事，清靜有諸侯。

送崔過

一作過

歸淄青幕府

平陵車馬客，海上見旌旗。舊驛千山下，殘花一路時。春衣過水冷，暮雨出關遲。莫道青州客，迢迢在夢思。

田倉曹東亭夏夜飲得春字

薛公門下人，公子又相親。玉佩迎初夜，金壺醉老春。葛衣香有露，羅幕靜無塵。更羨風流外，文章是一秦。

贈王逖

端笏事龍樓，思閒輒告休。
新調楮白馬，暫試黑貂裘。
珠履迎佳客，金錢與莫愁。
座中豪貴滿，誰道不風流。

送深州吳司馬歸使幕

東門送遠客，車馬正紛紛。
舊識張京兆，新隨劉領軍。
行聽看暮雨，歸雁踏青雲。
一去藁臺北，佳聲幾日聞。

華亭

一作州

夜宴庾侍御宅

一作張繼詩

世故他年別，心期此夜同。
千峰孤燭外，片雨一更中。
酒

客逢山簡詩人得謝公自憐驅匹馬拂曙向關東

送客之上谷

北客悲秋色田園憶去來披衣朝易水匹馬夕燕臺風
翦荷花碎霜迎粟罇開賞心知不淺累月故人杯

同中書劉舍人題青龍上房

西掖歸來後東林靜者期遠峰春雪裏寒竹暮天時笑
說一作問金人偈閒聽寶月詩更憐茶興在好出下方遲

宴吳王宅

玉管簫聲合金盃

一作盃

酒色殷聽歌吳季札縱飲漢中

山稱壽爭離席留歡輒上關莫言辭客醉猶得曳裾還

題薦福寺衡嶽暎

一作禪

師房

春城乞食還高論此中間僧臘階前樹

一作草

禪心江上

山疎簾看雪捲深戶映花關晚送門人出

一作去

鐘聲杳

一作暎
靄間

送戴迪赴鳳翔幕府

青春帶文綬去事魏征西上路金鞞出中人玉筋齊當

歌酒萬斛看獵馬千蹄自有從軍樂何須怨解攜

送郢州郎使君

千人插羽迎知是范宣城暮雪楚山冷春江漢水清紅
鮮供客飯翠竹引舟行一別何時見相思芳草生

送李中丞赴辰州

白羽逐青絲翩翩南下一作去時巴人迎道路蠻帥一作塞

引旌旗暮雨山開少秋江一作風葉落遲功成益一作奠地

一作他日應見竹郎祠

送劉侍御赴陝州

金羈映驕驕後騎佩干將把酒春城晚鳴鞭曉路長帶
冰新溜澀間雪早梅香明日懷賢處依依御史牀

李中丞宅夜宴送丘侍御赴江東便往辰州

積雪臨階夜重裘對酒時中丞違沈約才子送丘遲一
路三江上孤舟萬里期辰州佳興在他日寄新詩

送李侍御歸宣州使幕

春草東江外翩翩北路歸官齊魏公子身逐謝玄暉山

色隨行騎鶯聲傍客衣主人池上酌攜手暮花飛

東城水亭宴李侍御副使

東門留客

一作別

處沽酒用錢刀秋水牀下急斜暉林外

高金羈絡驤裏玉匣閉豪曹去日隨戎幕東風見伯勞

送秘書謝監赴江西使幕

謝監憶山程辭家萬里行寒衣傍楚色孤枕宿潮

一作湖

聲小寇不足問新詩應漸清府公相待日引旆出江城

送江陵元司錄

新領州從事曾為朝大夫江城竹使待山路橘官扶片
雨三江道殘秋五葉湖能令詩思好楚色與寒蕪

送李舍人攜家歸江東覲省

二十青宮吏成名似者稀承顏陸郎去攜手謝娘歸夜
月回孤燭秋風試夾衣扁舟楚水上來往速如飛

送劉侍御赴令公行營

東城躍紫騮西路大刀頭上客劉公幹元戎郭細侯一
軍偏許國百戰又防秋請問蕭關道胡塵早晚收

一作
休

送蘇州姚長史

江城驛路長烟樹過雲陽舟領青絲纜人歌白玉郎葛
衣行柳翠花簾宿荷香別有心期處湖光滿訟堂

送金華王明府

縣舍江雲裏心閒境又偏家貧

一作資

陶令酒

一作菊

月俸

沈郎錢黃蘗香山路青楓暮雨天時聞引車騎竹外到

一作向銅泉

送田倉曹汴州覲省

拜慶承天寵朝來辭漢宮玉杯分湛露金勒借追風古
驛秋山下平蕪暮雨中翩翩魏公子人看渡關東

送張渚赴越州

白面誰家郎青驪照地光桃花開綬色蘇合借衣香暮
雪連峰近春江海市長風流似張緒別後見垂楊

奉和元相公家園即事寄王相公

共列中台貴能齊物外心回車青閣晚解帶碧茸深寒
水分一作隨畦入晴花度竹尋題詩更相憶一字重千金

送道士姪歸池陽

銀角桃枝杖東門贈別初幽州尋馬客灞岸送驢車野
飯秋山靜行衣落照餘燕南羣從少此去意何如

送劉長上歸城南別業

數刻是歸程花間落照明春衣香不散駿馬汗猶輕南
渡春流淺西風片雨晴朝還會相就飯爾五侯鯖

贈張五諲歸濠州別業

常知罷官意果與世人疎復此涼風起仍聞濠上居故

山期採菊秋水憶觀魚一去蓬蒿徑羨君閒有餘

送管

一作管

城李少府

懷祿兼就養更懷

一作憐

趨府心晴山東里近春水北門

深新綬映芳草舊家依

一作看

遠林還乘鄭小駟躩蹠縣

城陰

魯中送魯使君歸鄭州

城中金絡騎出餞沈東陽九月寒露白六關秋草黃齊
謳聽處妙魯酒把來香醉後著鞭去梅山道路長

送夏侯校書歸上都

後輩傳佳句高流愛美名
青春事賀監黃卷問張生
暮雪重裘醉寒山匹馬行
此回將詣闕幾日諫書成

送李明府赴連州

萬里向南湘孤舟入桂陽
諸侯迎一作近上客小吏拜官

郎春服撞花細初筵木槿芳
看承雨露速不待荔枝香
送盧大理趙侍御祭東嶽兼寄孟兗州

東嶽昔有事兩臣朝望歸
驛亭開歲酒齋舍著新衣
上

客鍾大理主人陶武威仍隨御史馬山路滿光輝

送皇甫大夫赴浙東

第四句
缺二字

舟師分水國漢將領秦官麾下同心吏軍中

端吳

門秋露溼楚驛暮天寒豪貴東山去風流勝謝安

送韋秀才

東人相見罷秋草獨歸時幾日孫弘閣當年謝朓詩寒
山葉落早多雨路行遲好憶金門步功名自有期

御定全唐詩卷二百四十四

欽定四庫全書薈要卷一萬七千六百五十

集部

御定全唐詩卷二百四十五

韓翃

送客一歸襄陽二歸潯陽

南驅匹馬會心期東望扁舟愜夢思熨斗山

一作坡

前春

色早

一作草色

香爐峰頂暮煙時空林欲訪龐

一作辛

居士古

寺應懷遠法師兩地由來堪取興三賢他日幸留詩

送故人赴江陵尋庾牧

主人持節拜荊州走馬應從一路遊斑竹岡連山雨暗
枇杷門向楚天秋佳期笑把齋中酒遠意閑登城上樓
文體此時看又別吾知小庾甚風流

送客水路歸陝

相風竿影曉來斜渭水東流去不賒枕上未醒秦地酒
舟前已見陝人家春橋楊柳應齊葉古縣棠梨也作花
好是吾賢佳賞地行逢三月會連沙

送丹陽劉太真

長干道上落花朝羨爾當年賞事饒
下筓已憐鵝炙美
開籠不奈鴨媒嬌
春衣晚入青楊巷
細馬初過皂莢橋
相訪不辭千里遠
西風好借木蘭橈

送客歸江州

東歸復得采真遊
江水迎君日夜流
客舍不離青雀舫
人家舊在白鷗嶺一作洲
風吹山帶遙知雨露溼荷裳
已報秋聞道泉明居止近
籃輿相訪為一作會淹留

題張逸人園林

花源一曲映茅堂清論閒階坐夕陽塵尾手中毛已脫

蟹螯尊上味初香春深黃口一作鳥傳窺樹雨後青苔散

點牆更道小山宜助賞呼兒舒篔簹醉巖芳

又題張逸人園林

藏頭不復見時人愛此雲山奉養真露色點衣孤嶼曉

一作花枝妨帽小園春時一作悶攜幼穉諸峰上閒濯鬚

眉一水濱興罷歸來還對酌茅簷挂著紫荷巾

送劉將軍

明光細甲照鋌鍛昨日承恩拜虎牙膽大欲期一作姜欺

伯約功多不讓李輕車青巾校尉遙相許墨一作稍作一作

鞞將軍莫大一作大誇闕下來時親伏奏胡塵未盡不為

家

送一作寄鄭員外鄭時在熊尚書幕府

風流不減杜陵時五十為郎未是遲孺子亦知名下士

樂人爭唱卷中詩身齊吏部還多醉心顧尚書自有期

要路眼青一作看知已在不應窮巷久低眉

寄徐州鄭使君

江城五馬楚雲邊不羨雍容畫省年才子舊稱何水部
使君還繼謝臨川射堂草遍收殘雨官路人稀對夕天
雖臥郡齋千里隔與君同見月初圓

送襄垣王君歸南陽別墅

都門霽後不飛塵草色萋萋滿路春雙兔坡東千室吏
三鴉水上一歸人愁眠客舍衣香滿走渡河橋馬汗新
少婦比來多遠望應知嬉子上羅巾

送王誕渤海使赴李太守行營

少年結客散黃金中歲連兵掃綠林
渤海名王曾折首漢家諸將盡傾心
行人去指徐州近飲馬回看泗水深
喜見明時鍾太尉功名一似舊淮陰

送王少府歸杭州

歸舟一路轉青蘋更欲隨潮向富春
吳郡陸機稱地主錢塘蘇小是鄉親
葛花滿把能消酒梔子同心好贈人
早晚重過魚浦宿遙憐佳句篋中新

贈王隨

青雲自致晚

一作未

應遙朱邸新婚樂事饒
飲罷更憐雙

袖舞試來偏愛五花驕
帳裏爐香春夢曉
堂前燭影早更朝
更說毬場新雨歇
王孫今日定相邀

同題仙遊觀

一本題上無同字

仙臺下見五城樓
風物淒淒宿雨收
山色遙連秦樹晚
砧聲近報漢宮秋
疎松影落空壇靜
細草香開一作小
洞幽何用別尋方
外去人間亦自有丹丘

訪王起居不遇留贈

雙龍闕下拜恩初，天子令君注起居。
載筆已齊周右史，論詩更事謝中書。
行聞漏滴隨金仗，入對爐烟侍玉除。
賀客自知來獨晚，青驪不見意何如。

送劉評事赴廣州使幕

征南官屬似君稀，才子當今劉孝威。
蠻府參軍趨傳舍，交州刺史拜行衣。
前臨瘴海無人過，却望衡陽少雁飛。
為報蒼梧雲影道，明年早送客帆歸。

送冷朝陽還上元

青絲紵引木蘭船名遂身歸拜慶年落日澄江烏榜外
秋風疎柳白門前橋通小市家林近山帶平湖野寺連
別後依依寒食一作夢裏共君攜手在東田

送高別駕歸汴州

信陵門下一作客識君偏駿馬輕裘正少年寒雨送歸干

里外東風沈一作留醉百花前身隨玉帳心應愜官佐龍

一作銅符勢又全久客未知何計是參差去借汶陽田

送康洗馬歸滑州

腰佩雕弓漢射聲東歸銜命見雙旌青絲玉勒康侯馬

孟一作白水金堤滑伯城臘雪夜看宜縱飲寒蕪晝獵一作

踏不妨行懷君又隔千山遠一作外別後一作一夜春風百草

生

寄上田僕射

家封薛縣異諸一作褚田一作詩傳報主榮親義兩全僕射臨

戎謝安石大夫持憲杜延年金裝畫出羅千騎玉案晨

食直萬錢應念一身留闕下
闔門遙寄魯西偏

送王光輔歸青州兼寄儲

一作朱

侍郎

幾回

一作通
又作封

奏事建章宮
聖主偏知漢將功
身著紫衣

趨闕下口銜丹詔出關東
蟬聲驛路秋山裏
草色河橋
落照中
遠憶故人滄海別
當年好躍五花驄

宴楊駙馬山池

一作陳羽詩
又作朱灣詩

垂楊拂岸草茸茸
繡戶簾前花影重
鱸下玉盤紅

一作金

縷細酒開金甕綠
醅濃中朝駙馬何平叔
南國詞人陸

士龍落日泛舟同醉處
回潭百丈映千峰

送長史李少府入蜀

行行獨出故關遲
南望千山無盡期
見舜巴童應暫笑
聞歌蜀道又堪悲
孤城晚閉清江上
匹馬寒嘶白露時
別後此心君自見
山中何事不相思

送客還江東

不妨高臥順流歸
五兩行看掃翠微
鼯鼠夜喧孤枕近
鷓鴣曉避客船飛
一壺先醉桃枝簟
百和初熏苧

一作越

布衣君到新林江口泊吟詩應賞謝玄暉

寄令狐尚書

立身榮貴復何如龍節紅旗從板輿妙略多推霍驃騎
能文獨見沈尚書臨風高會千門一作帳映水連營百

乘車他日感恩慙未報舉家猶似涸池魚

扈從郊廟因呈兩省諸公

丹墀列士主恩同廐馬翩翩出漢宮奉引乘輿金仗裏
親嘗賜食玉盤中晝趨行殿旌門北夜宿齋房刻漏東

明日駕迴承雨露齊將萬歲及春風

送端州馮

一作馮高

使君

白晳風流似有鬚一門豪貴領蒼梧
三峰亭暗橋邊宿
八桂林香節下趨玉樹羣兒爭翠羽
金盤少妾揀明珠
懷君樂事不可見驥馬翩翩新虎符

送王府張參軍附學及第東歸

鄰家不識鬪雞翁閉戶能齊隱者風
顧步曾為小山客
成名因事大江公一身千里寒蕪上
單馬重裘臘月中

寂寂故園行見在暮天殘雪洛城東

送齊明府赴東陽

綠絲帆縹

一作縹

桂為檣過盡淮山楚水長萬里移家背

春穀一官行府向東陽風流好愛杯中物豪蕩仍欺陌
上郎別後心期如在眼猿聲烟色樹蒼蒼

魯中送從事歸滎陽

故園衰草帶滎波歲晚知如君思何輕橐歸時魯縞薄
一作滿寒衣縫處鄭綿多萬人都督鳴騶送百里邦君枉

騎過累路盡逢知已在曾無對酒不高歌

兗州送李明府使蘇州便赴告

一作期一本題上無兗

州二字

莫言水國去迢迢白馬吳門見不遙
楓樹林中經楚雨木蘭舟上蹋江潮
空山古寺千年石草色寒隄百尺橋
早晚廬家蘭室在一作外珊瑚玉佩徹青霄

送田明府歸終南別業

故園此日多心賞窗下

一作外

泉流

一作流泉

竹外雲近館應

逢沈道士比鄰自識卞田君
離宮樹影登山見上苑鐘
聲過雪聞相勸早移一作趨丹鳳闕
不須常戀白鷗羣

家兄自山南罷歸獻詩叙事

時輩已爭先吾兄未著鞭
空嗟鑷鬚一作鬚日猶一作獨是

屈腰年不以殊方遠仍論水一作賞地偏襄
橙隨客路漢

竹引歸船雲木一作外巴東峽林泉一作中峴北川
池餘騎

馬處宅似臥龍邊夜簾千峰月
朝窗萬井烟朱荷江女

院青稻楚人田縣舍多瀟灑
城樓入一作得醉眠黃苞柑

正熟紅縷鱠仍鮮坐厭牽絲倦因從解綬旋初辭五斗

米唯奉一囊錢室好

一作愛

生虛白書耽守太玄櫪中嘶

款段階下引潺湲落照淵明柳春風叔夜弦絳紗儒客

帳丹訣羽人篇雅論承安石新詩與惠連興清湖見底

襟豁霧開天魏闕心猶繫周才道豈捐一丘無自

一作自無

逸三府會招賢

奉送王相公縉

一本無此字

赴幽州巡邊

一本作奉送王相公

赴范陽一

作張繼詩

黃閣開帷幄丹墀侍

一作拜

冕旒位高湯左相權總漢諸

侯不改周南化仍分趙北憂雙旌過易水千騎入幽州

塞草連天暮邊風動地秋

一作愁

無因隨

一作陪

遠道結束

佩吳鉤

寄贈虢州張參軍

三十事諸侯賢豪冠北州桃花迎駿馬蘇合染輕裘觀
妓將軍第題詩關尹樓青林朝送客綠嶼晚回舟好栗
分通子名香贈莫愁洗杯新酒熟把燭故人留百雉歸

雲過千峰宿雨收
蒹葭露下晚菡萏
水中秋憶昨陪行
樂常時接獻酬
佳期雖霧散
惠問亦川流
開卷醒堪解
含毫思苦

一作若

抽無因達情意
西望日悠悠

送李中丞赴商州

五馬渭橋東
連嘶逐

一作背

曉風當年紫髯將
他日黑頭

公不異金吾
寵兼齊玉帳
雄閉營春雪
下吹角暮山空
香麝松陰裏
寒猿黛色中
郡齋多賞事
好與故人同

漢宮曲二首

駿馬繡

一作錦

障泥紅塵撲四蹄歸時何太晚日照杏花

西

繡幕珊瑚鉤春開

一作香閨

翡翠樓深情不肖道嬌倚鈿空

篔

陪孟都督祭嶽途中有贈

封疆七百里祿秩二千石擁節祠太山寒天霜草白

宿甌山

山中今夜何人闕下

一作門外

當年近臣青瑣應須早去白

雲何用相親

別甌山

一身趨侍丹墀西路翩翩去時惆悵青山綠水何年更

是來

一作歸期

送陳明府赴淮南

年華近逼

一作過

清明落日微風送行黃鳥綿蠻芳樹紫

騮蹶蹶東城花間一杯促膝煙外千里含情應渡淮南
信宿諸侯擁旆相迎

送客知一作鄂州

江口千家帶楚雲
江花亂點雪紛紛
春風落日誰相見

青翰舟中有鄂君

寒食一作寒食日即事

春城無一作風何處不飛一作開花
寒食東風御柳斜
日暮一作

夜一作漢宮傳蠟燭
輕一作青烟散入五侯家

羽林騎一作羽林少年行

駿一作驄馬牽來御柳中
鳴鞭欲向一作過渭橋東
紅蹄亂

躡春城雪花領驕

一作頻

嘶上苑風

看調馬

鴛鴦赭白齒新齊
晚日花中

一作間

散碧蹄玉勒斗

一作乍

回初噴沫金鞭欲下不成嘶

寄贈衡州楊使君

湘竹斑斑湘水春
衡陽太守虎符新
朝來笑向歸鴻道
早晚南飛見主人

宿石邑山中

浮雲不共此山齊
山靄蒼蒼望

一作翠

轉迷曉月暫飛高

一作千

樹裏秋河隔在數峰西

江南曲

一作李益詩

長樂花枝雨點

一作滴

銷江城日暮好相邀
春樓不閉歲

蕤鎖綠水回通

一作連

宛轉橋

贈張千牛

蓬萊闕下是天

一作君

家上路新回
白鼻騮急管晝催平

樂酒春衣夜宿杜陵花

漢宮曲二首

五柞宮中過臘看萬年枝上雪花殘綺窗夜閉玉堂靜

素綆朝穿

一作垂

金井寒

家在

一作漢室

長陵小市中珠簾繡戶對春風君王昨日移

仙仗玉輦迎將入漢宮

此首一作李益詩

贈李翼

王孫別舍擁朱輪不羨空名樂此身門外碧潭春洗馬

樓前紅燭夜迎人

少年行

千點爛犂玉勒

一作斑
爛噴玉

驄青絲結尾繡纏驥鳴

一作
揮

鞭

曉

一作
晚

出章

一作
銅

臺路葉葉春衣

一作依
又作隨

楊柳風

題玉真觀李祕書院

白雲斜日影深松
玉宇瑤壇知幾重
把酒題詩人散後
華陽洞裏有疎鐘

送客之潞府

官柳青青匹馬嘶
迴風暮雨入銅鞮
佳期別在春山裏

應是人漫五葉齊

送客貶五溪

南過猿聲一逐臣
回看秋草淚沾巾
寒天暮雪一作空
山裏幾處蠻家是主人

送齊山人歸長白山

舊事仙人白兔公
掉頭歸去又乘風
柴門流水依然在
一路寒山萬木中

寄裴鄆州

烏紗靈壽對秋風，悵望浮雲濟水東。
官樹陰陰鈴閣暮。

州人轉憶白頭

一作翁鬚

梁城贈一二同幕

五營河畔列旌旗，吹角鳴鼙日暮時。
曾是信陵門下客，兩迴相弔不勝悲。

河上寄故人

第五句缺一字

河流曉天濮水清，烟日暖昆吾臺上春。
深顙頊城邊鶯聲亂，啁鵲花片細點龍泉。
西望情人早至，猶應得醉。

芳年

留題寧川香蓋寺壁

愛遠登高塵眼開為憐蕭寺上經臺山川誰識龍蛇虺
天地自迎風雨來柳放寒條秋已老雁搖孤翼暮空迴
何人會得其中事又被殘花落日催

寄柳氏

章臺柳章臺柳顏色青青今在否縱使長條似舊垂也
應攀折他人手

御定全唐詩卷二百四十五

欽定四庫全書薈要卷一萬七千六百五十一

集部

御定全唐詩卷二百四十六

獨孤及

獨孤及字至之洛陽人天寶末以道舉高第補華陰尉
代宗召為左拾遺俄改太常博士遷禮部員外郎歷濠
舒二州刺史以治課加檢校司封郎中賜金紫徙常州
卒謚曰憲集三十卷內詩三卷今編詩二卷

海上寄蕭立

朔風剪塞草寒露日夜

一作始

結行行到瀛壖歸思生暮

節驛樓見萬里死首望遼碣遠海入大荒平蕪際窮髮

舊國在夢想故人胡且越契濶阻風

一作風

期荏苒成雨

別海西望京口兩地各天末索居動經秋再笑知曷月

一本無此二句

日南望中盡

一作目窮南雲盡

唯見飛鳥滅音

一作清塵

未易得何由慰饑渴

三月二日自京到華陰於水亭獨酌寄裴六薛

八

祇役匪遑息經時客三秦還家問節候知到上巳辰山
縣何所有高城閉青春和風不吾欺桃杏滿四鄰舊友
適遠別誰當接歡欣呼兒命長瓢獨酌相吳醇一酌一
朗詠既酣意亦申言筌斲兩忘霞月祇相新裴子塵表
物薛侯席上珍寄書二傲吏何日同車茵詎肯使空名
終然羈此身他一作何年解桎梏長作海上人

代書寄上裴六冀劉二穎

昔余馬首東君在海北

汭音入

聲盡屏簿領書相與議巖

穴載來詣佳境每山有車轍長嘯林木動高歌唾壺缺

此辭月未周虜馬嘶絳闕猛虎踞大道九州當中裂聞

君棄孤城猶自握漢節耻栖惡木影忍與故山別脫烏

挂嶺雲罔然若鳥逝入聲唯留潺湲水分付練溪月爾來

大谷梨白花再成雪關梁限天險歡樂竟兩絕大盜近

削平三川今底寧勾芒布春令屏翳收雷霆伊洛日夜

漲鳴皋蘭杜青騫騫兩黃鵠何處遊青冥疇昔切玉刃

應如新發矧及時當樹勳高懸景鐘銘莫抱白雲意徑

往丹丘庭功成儻長揖然後謀滄溟

客舍月下對酒醉後寄畢四燿

鄉路風雪深生事憂患迫天長波瀾廣高舉無六翮獨
立寒夜移幽境思彌積霜月照膽淨銀河入蒼白沽酒
聊自勞開樽坐簷隙主人奏絲桐能使高興劇清機暫
無累獻酢更絡繹慷慨葛天歌悒悒廣陵陌既醉萬事
遺耳熱心亦適視身兀如泥瞪目傲今昔故人間城闕
音信兩脉脉別時前盟在寸景莫自擲

先是畢贈及詩
云洪鑪無火停

日月速若飛忽然衝
人身飲酒不須疑

心與白日闔十無一滿百寓形薪

火內甘作天地客與物無親踈斗酒勝竹帛何必用自
苦將貽古賢責

下弋陽江舟中代書寄裴侍御

故鄉隔西日去水連長天前路知幾許但指天南邊愴
恨極浦外隱映青山連東風滿帆來五兩如弓弦遙羨
繡衣客罔然馬首先得餐武昌魚不顧潯陽田屈指數
別日忽乎成兩年百花已滿眼春草漸碧鮮豈是離居

時奈何于役牽洞庭有深涉曷日期歸旋且作異鄉料
詎知攜手緣離憂未易銷莫道樽酒賢

癸卯歲赴南豐道中聞京師失守寄權士繇韓
幼深

種田不遇歲策名不遭時胡塵晦落日西望泣路岐猛
虎嘯北風厲慶皆載馳深泥駕疲牛蹉踣余何之詰屈
白道轉繚繞清溪隨荒谷嘯山鬼深林啼子規長歎指
故山三奏歸來詞不逢眼中人調苦車逶遲士繇松筠

操幼深瓊樹姿別來平安否何階一申省白雲失帝鄉
遠水限天涯昂藏雙威鳳曷月還西枝努力愛華髮盛
年振羽儀但令迤難康不負滄洲期莫作新亭泣徒使
夷吾嗤

賈員外處見中書賈舍人巴陵詩集覽之懷舊
代書寄贈

海岸望青瑣雲長天漫漫十年不一展知有關山難適
逢阮始平立馬問長

一作平

安取公詠懷詩示我江海濶

暫若窺武庫森然矛戟寒眼明遺頭風心悅忘朝餐大
駕今返正熊羆扈鳴鑿公遊鳳凰沼獻可在筆端繫越
有長纓封關祇一九問一作然翔寥廊仰望慚一作羽
翰嘉會不我與相思歲云殫唯當袖佳句持比青琅玕

代書寄上李廣州

皖水望番禺迢迢青天末鴻鴈飛不到音塵何由達獨
有輿人歌隔雲聲誼聒皆稱府君仁百越賴全活推誠
魚鱉信持正魑魅怛疲民保中和性足無天闕天子咨

四岳佇公濟方割幾時復旋歸入踐青瑣闥賤子託明
德繚若松上葛別離鄙恡生結念思所豁門欄關山阻
歧路天地闊唯憑萬里書持用慰飢渴

夏中訓于逖畢耀問病見贈

救物智所昧學仙願未從行藏兩乖角蹭蹬風波中薄
宦耻降志卧病非養蒙閉關涉兩旬羈思浩無窮鸞鷲
何處來雙舞下碧空離別隔雲雨惠然此相逢把手賀
疾間舉杯欣酒濃新詩見久要清論激深衷高館舒夜

夏一作簾開門延微風火雲赫嵯峨日暮千萬峰遙指故

山笑相看撫號鐘聲和由心清一作親事感知氣同出處

未易料且歌緩愁容願君崇明德歲暮如青松

訓梁二十宋中所贈兼留別梁少府

少讀黃帝書肯不笑機事意猶負深衷未免名跡累厭

貧學干祿欲徇一作詢賓王利甘為風波人豈復江海意

擔簦平臺下是日飲羈思逢君道寸心暫喜一交臂緒

言未及竟離念已復至甯陵望南丘雲雨成兩地途殊

跡方間河廣流且駛暮帆望不及覽贈心欲醉愛君如
金錫昆弟皆茂異奕赫連絲衣榮養能錫類君子道未
長深藏青雲器巨鱗有縱時今日不足議唯當加餐飯
好我袖中字別離動經年莫道分首易

庚子歲避地至玉山訓韓司馬所贈

滄海疾風起洪波駭恬鱗已無濟川分甘作乘桴人揮
手謝秣陵舉帆指甌閩安知風塵表偶與瓊瑤親共悲
行路難況逢江南春故園忽如夢返復知何辰曠野豺

虎滿深山蘭蕙新
枉君灞陵什迴首徒酸辛

奉和李大夫同呂評事太行苦熱行兼寄院中
諸公

駟馬上太行修途亘遼碣
王程無留駕日昃未遑歇
請問此何時恢台朱明月
長蛇稽天討上將方北伐
明主命使臣皇華得時傑
已忘羊腸險豈憚濕一作温
風熱搖

策汗滂滄

一作施

登岼思紆結炎雲如煙火
谿谷將恐竭

晝景艷可畏涼颼何由發
山長飛鳥墮目極行車絕
趙

魏方倣擾安危俟明哲歸路豈不懷飲冰有苦節會同
傳檄至疑議立談決况有阮元瑜翩翩秉書札起予歌
赤坂永好踰白雪誰念剖竹人無因執羈紲

訓皇甫侍御望天灑山見示之作

早歲慕五嶽嘗為塵機礙孰知天柱峰今與郡齋對隱
嶙抱元氣氤氲含青靄雲岨媚遠空石壁寒古塞漢皇
南遊日望秩此昭配法駕到谷口禮容振荒外焚柴百
神趨執玉萬方會天旋物順動德布澤霽霈講武威已

耀學仙功未艾黃金竟何成
洪業遽淪昧度世若一瞬
昨朝已千載如今封禪壇
唯見雲雨晦長望哀往古
勞生慙大塊清暉幸相娛
幽獨知所賴寒城春方正
初日明可愛萬殊喜陽和
余亦荷時泰山色日夜綠
下有清淺瀨愧作拳僂人
沈迷簿書內登臨歎拘限
出處悲老大况聽郢中曲
復識湘南態思免物累牽
敢令道機退

瞞然

一作永日

誦佳句持此

一作比

秋蘭佩

送陳兼應辟兼寄高適賈至

結綠處燕石卞和不必知所以王佐才未能忘茅茨罷
官梁山外穫稻楚水湄適會傅巖久虛舟濟川時天網
忽搖頓公才難棄遺鳳凰翔千仞今始一鳴岐上馬指
國門舉鞭謝書帷預知大人賦掩却歸來詞天子方在
宥朝廷張四維料君能獻可努力副疇咨舊友滿皇州
高冠飛翠蕤相逢絳闕下應道軒車遲高侯秉戎翰策
馬觀西夷方從幕中事參謀王者師賈生去洛陽焜燿
琳瑯姿芳名動北步逸韻凌南皮肅肅舉鴻毛冷

水一作

然順風吹波流有同異由是限別離漢塞隔隴底秦川
連鑄池白雲日夜滿道里安可思夢想浩盈積物華愁
變衰因君附錯刀送遠益淒其四海各橫絕九霄應易
期不知故巢燕決起棲何枝

送相里郎中赴江西

君把一尺詔南遊濟滄浪受恩忘險艱不道岐路長戎
狄方構患休牛殊未遑三秦千倉空戰卒如餓狼委輸
資外府諏謀寄賢良有才當陳力安得遂翱翔豈不慎

井賦賦均人亦康遙知軒車到萬室安耕桑火伏金氣
騰昊天欲蒼茫寒蟬慘巴鄧秋色愁沅湘昨日携手西
於今芸再黃歡娛詎幾許復向天一方躡躅話世故惆
悵舉離觴共求數刻歡戲謔君此堂今日把手笑少時
各他鄉身名同風波聚散未易量曷月還朝天及時開
智囊前期儻猶濶加飯勉自強

觀海

北登渤澥島迴首秦東門誰尸一作造物功鑿此天池

施

地一作源瀕洞吞百谷周流無四垠廓然混茫際望見天

地根白日自中吐扶桑如可捫超遙一作蓬萊峰想像

金臺存秦帝昔一作經此登臨冀飛翻揚旌百神會望

日羣山奔徐福竟何成羨門徒空言唯見石橋足千年

里一作潮水痕

初晴抱琴登馬退山對酒望遠醉後作

年長心易感況為憂患纏壯圖迫世故行止兩茫然王
旅方伐叛虎臣皆被堅魯人著儒服甘就南山田挈榼

上高磴超遙望平川滄江大如綆隱映入遠天荒服何
所有山花雪中然寒泉得日景吐雷鳴湔湔舉酒勸白
雲唱歌慰頽年微風度竹來韻我號鍾弦一彈一引滿
耳熱知心宣曲終余亦酣起舞山水前人生幾何時太
半百憂煎今日羈愁破始知濁酒賢

同徐侍郎五雲溪新庭

一作亭

重陽宴集作

萬峰蒼翠色雙溪清淺流已符東山趣况值江南秋白
露天地肅黃花門館幽山公惜美景肯為芳樽留五馬

照池塘繁弦催獻酬臨風孟嘉帽乘興李膺舟騁望傲
千古當歌遺四愁豈令永和人獨擅山陰遊

雨晴後陪王員外泛後湖得溪字

遠山媚平楚宿雨漲清溪沿沂任舟楫歡言無町畦酒
酣相視笑心與白鷗齊

題思禪寺上方

溪口聞法鼓停橈登翠屏攀雲到金界合掌開禪扃鬱
律衆山抱空濛花雨零老僧指香樓云是不死庭眇眇

于越路茫茫春草青遠山噴百谷繚繞馳東溟目極道

一作想

何在境照心亦冥
驕然諸根空破結如破瓶

一本無此

二句下視三界狹但聞五濁腥
山中有良藥吾欲墮天形

季冬自嵩山赴洛道中作

第二十五句缺一字
二十六句缺三字

皇運偶中變長蛇食中土
天盖西北傾衆星隕如雨
胡塵動地起千里聞戰鼓
死人成為阜流血塗草莽
策馬何紛紛捐軀抗豺虎
甘心赴國難誰謂荼荼苦
天子初受命省方造區宇
斬鯨安溟波截鼉作天柱
三微復正

統五玉

一作土

歸文祖不圖漢官儀今日忽再覩升高望

京邑佳氣連海浦寶鼎歆景雲明堂舞干羽虎臣

激

昂

禦侮腐儒著縫掖何處議鄒魯西上轅轅山

丘陵橫今古和氣蒸萬物臘月春靄吐得為太平人窮
達不足數他日遇封禪著書繼三五

早發若峴驛望廬山

雨罷山翠鮮泠泠東風好斷崖雲生處是向峰頂道誰
謂峰頂遠跋予可瞻討忘緣祛天機脫屣恨不早祇恐

歲云暮遂與空名老心往跡未并慚愧山上草

寒夜溪行舟中作

日沈諸山昏寂歷羣動宿孤舟獨不繫風水夜相逐雲
歸恒星白霜下天地肅月輪大如盤金波入空谷魏闕
萬里道羈念千慮束倦飛思故巢敢望桐與竹沈吟登
樓賦中夜起三復憂來無良方歸候春酒熟

壬辰歲過舊居

少年事遠遊出入燕與秦離居歲周天猶作勞歌人負

劔渡潁水歸馬自知津緣源到舊廬攬涕尋荒榛鄰里
喜相勞壺觴展殷勤酒闌擊筑一作竹語及此離會因丈
夫隨世波豈料百年身今日負鄙願多慙故山春

丙戌歲正月出洛陽書懷

往歲衣褐見受服金馬門擬將忠與貞來酬主人恩天
地暫雷雨洪波生平原窮鱗遂躑躅夙昔事罕存幸逢
帝出震授鉞清東藩白日忽再中萬方咸駿奔王風從
西來春光滿乾坤蟄蟲競飛動余亦辭籠樊遭遇思自

強寵辱安足言唯將四方志迴首謝故園

傷春懷歸

誰謂鄉可望望在天地涯
但有時命同萬里共歲華
昨夜南山雨殷雷
坼萌芽源桃不余欺
先發秦人家寂寂
戶外掩遲遲
春日斜源桃默無言
秦人獨長嗟
不惜中腸苦
但言會合賒
思歸吾誰訴
笑向一作指南枝花

雜詩

百花結成子春物捨我去
流年惜不得獨坐一作空閨

暮心自有所待甘為物華悞未必千黃金買得一人顧
山中春思


懶祭川水大人家春日長獨謠晝不暮搔首慙年芳靡
草知節換含葩向新陽不嫌三徑深為我生池塘亭午
井竈閒雀聲響空倉花落沒屐齒風動羣木香歸路雲
水外天涯杳茫茫獨卷萬里心深入山鳥行芳景勿相
迫春愁未遽忘

御定全唐詩卷二百四十六

謹案卷二百四十六第一頁後三行故人胡且越
按毘陵集胡且越作且胡越

第四頁後二行遠水限天涯刊本限訛恨據毘陵
集改

第六頁前八行甯陵望南丘刊本陵訛侯據毘陵
集改



總校官庶吉士臣張能照

校對官檢討臣王鍾健

膳錄監生臣沈心醇

膳錄監生臣孫起鵬

欽定四庫全書薈要

集部

欽定全唐詩卷二百四十九

七至

詳校官候補通政司經歷臣郭祚熾



欽定四庫全書蒼要卷一萬七千六百五十二

集部

御定全唐詩卷二百四十七

獨孤及

雨後公超谷北原眺望寄高拾遺

嶺口雨足收清光洗高天虹蜺歛殘靄山水含碧鮮遠
空霞破露月輪薄雲片片成魚鱗五陵如薺渭如帶目
極千里關山春朝來爽氣未易說畫取花峰贈遠人

自東都還濠州奉詔王八諫議見贈

關西仕時俱稚容彪彪之鬢始相逢天地變化縣城改

天寶中及尉華陰鄭縣別後經祿山之亂鄭縣殘毀城移于州西

獨有故人交態在不

言會合跡未并猶以歲寒心相待洛陽居守寄鄴侯君

著貂冠參運籌高閣連雲騎省夜新文會友涼風秋青

袍白面昔攜手冉冉府趨君記否雲分雨散十五年始

得一笑樽酒前未遑少留驟遠別况值旅雁鳴秋天二

華舊遊如夢想他時再會

一作又
或作遊

何由緣賴君贈我郢

中曲別後相思被管絃

官渡柳歌送李員外承恩往揚州覲省

君不見官渡河兩岼三月楊柳枝千條萬條色一一勝
綠絲花作鉛粉絮葉成翠羽帳此時送遠人悵望春水
上遠客折楊柳依依兩含情夾郎木蘭舟送郎千里行
郎把紫泥書東征覲庭闈脫却貂襜褕新著五綵衣雙
鳳并兩翅將雛東南飛五兩得便風幾日到揚州莫貪
揚州好客行剩淹留郎到官渡頭春闌一作已應久殷
勤道遠別為謝大堤柳攀條儻相憶五里一回首明年

柳枝黃問郎還家否

東平蓬萊驛夜宴平盧楊判官醉後贈別姚太

守置酒留宴

題上一無東平二字
題下一作贈別觀海

驛樓漲海孺秋月寒城邊相見自不足
況逢主人賢夜清酒濃人如玉
一斗何啻直十千木蘭為樽金為杯
江南急管盧女絃齊童如花解郢曲
起舞激楚歌採蓮固知別多相逢少
樂極哀至心嬋娟少留莫辭醉前路
方悠然明日分飛儻相憶祇應遙望西南天

同岑郎中屯田韋員外花樹歌

東風動地吹花發渭城桃李千樹雪芳菲可愛不可留
武陵歸客心欲絕金華省郎惜佳辰祇持棣萼照青春
君家自是成蹊處况有庭花作主人

和李尚書畫射虎圖歌

饑虎呀呀立當路萬夫震恐百獸怒彤弓金鏃當者誰
鳴鞭飛控流星馳居然畫中見真態若務除惡不顧私
時和年豐五兵已白額未誅壯士耻分銖遠邇懸轂中

不中不發思全功捨矢如破石可裂應弦盡敵山為空
殺氣滿堂觀者駭颯若崖谷生長風精微入神在毫末
作績造物可同功方叔秉鉞受命新丹青起予氣益振
底綏靜難巧可擬嗟歎不足聲成文他時代天育萬物
亦以此道安斯民

和贈遠

憶得去年春風至中庭桃李映瑣窻美人挾琴對芳樹
玉顏亭亭與花雙今年新花如舊時去年美人不在茲

借問離居恨深淺祇應獨有庭花知

和題藤架

萼萼葉成幄
瓏瓏花落架
花前離心苦
愁至無日夜
人去藤花千里強
藤花無主為誰芳
相思歷亂何由盡
春日迢迢如線長

江上代書寄裴使君

何地離念剝江臯
風雪時艱難傷遠道
老大怯前期疇
昔行藏計祇將力
命推能令書信數
猶足緩相思

詣開悟禪師問心法次第寄韓郎中

障深聞道晚根鈍出塵難濁劫相從慣迷途自謂安得
知身垢妄始喜額珠完欲識真如理君嘗法味看

登後湖

一作登
凌湖亭

傷春懷京師故舊

昨日看搖落驚秋方怨咨幾經開口笑復及看花時世
事空名東生涯素髮知山山春草滿何處不相思

暮春於山谷寺上方遇恩命加官賜服詔皇甫
侍御見賀之作

天書到法堂朽質被榮光自笑無功德殊恩謬激揚還
登建禮署猶忝會稽章佳句慙相及稱仁豈易當

荅李滁州題庭前石竹花見寄

殷

烏闕切

疑曙霞染巧類匣刀裁不怕南風熱能迎小暑

開遊蜂憐色好思婦感年催覽贈添離恨愁腸日幾迴
得李滁州書以玉潭莊見託因書春思以詩代
荅

春物行將老懷君意詎堪朱顏因酒強白髮對花慙日

日思瓊樹書書話玉潭知同百口累曷日辨抽簪

荅李滁州憶玉潭新居見寄

從來招隱地未有剖符人山水能成癖巢夷擬獨親
猪肝無足累馬首敢辭勤掃灑潭中月他時望德鄰

將赴京荅李紆贈別

膠漆常投分荆蠻各倦遊帝鄉今獨往溝水便分流
甘作遠行客深慙不繫舟思君帶將緩豈直日三秋

和張大夫秋日有懷呈院中諸公

至公無暇日高閣閉秋天肘印拘王事籬花思長年績
成心不有慮澹物猶牽竊效泉魚躍因聞郢曲妍

和大夫秋夜書情即事

上畧當分閫高情善閉關忘機羣動息無戰五兵閒鈴
閣風傳漏書窻月滿山方知秋興作非惜二毛斑

送虢州王錄事之任

謂子文章達當年羽翼高一經俄白首三命尚青袍未
遇須臾器安卑莫告勞盤根儻相值試用發劓刀

送長孫將軍拜歙州之任

臨難敢橫行
遭時取盛名
五兵常典校
四十又專城
浪逐樓船破
風從虎竹生
島夷今可料
繫頸有長纓

送何員外使湖南

夙昔皆黃綬
差池復瑣闈
上田無晚熟
逸翮果先飛
前路舟休繫
故山雲不歸
王程儻未復
莫遣鯉書稀

送江陵全少卿赴府任

冢司方春選
劇縣得英髦
固是攀雲漸
何嗟趨府勞
楚

山迎驛路漢水漲秋濤
騫者翦方茲始看君六翮高

送虞秀才擢第歸長沙

充賦名今遂安親事不違
甲科文比玉歸路錦為衣
海運同鷗化風帆若鳥飛
知君到三逕松菊有光輝

送陽翟張主簿之任

舊聞陽翟縣西接鳳高山
作吏同山隱知君處劇閒
少年當効用遠道豈辭艱
遲子揚名後方期綵服還

送游員外赴淮西

多君有竒略投筆佐元戎已佩郎官印兼乘御史驄使
星隨驛騎歸路有秋風莫道無書札他年懷袖空

送馬鄭州

使君朱兩轡春日整東轅芳草成臯路青山涼水源勉
修循吏跡以謝主人恩當使仁風動遙聽輿頌誼

送義烏韋明府

妙年能致身陳力復安親不憚關山遠寧辭簿領勤過
江雲滿路到縣海為隣每歎違心賞吳門正早春

送陳王府張長史還京

論齒弟兄列為邦前後差十年方一見此別復何嗟極
目故關道傷心南浦花少時相憶處招手望行車

水西館泛舟送王員外

單醪敢獻酢曲沼荷經過汎覽親魚鳥黃緣涉芰荷劇
談增惠愛美景借清和明日汀洲草依依奈別何

李卿東池夜宴得池字

政成機不擾心愜宴忘疲去燭延高月傾壘就小池舞

盤迴雪動弦奏躍魚隨自是山公興誰令下士知

九月九日李蘇州東樓宴

是菊花開日當君乘興秋風前孟嘉帽月下庾公樓酒
解留征客歌能破別愁醉歸無以贈祇奉萬年酬

蕭文學山池宴集

檀欒千畝綠知是辟疆園遠岫當庭戶諸花覆水源主
人邀盡醉林鳥助狂言莫問愁多少今皆付酒樽

與韓侍御同尋李七舍人不遇題壁留贈

三徑何寂寂主人山上山亭空蒼月在水落釣磯閒藥
院雞犬靜酒壚苔蘚斑知君少機事當待暮雲還

喜辱韓十四郎中書兼封近詩示代書題贈

各牽于役間遊遨獨坐相思正鬱陶長跪讀書心暫緩
短章投我曲何高宦情緣木知非願王事敦丁回切人敢

告勞所歎在官成遠別徒言岢水纔去聲容舫

早發龍沮館舟中寄東海徐司倉鄭司戶

沙禽相呼曙色分漁浦鳴榔十里聞正當秋風渡楚水

况值遠道傷離羣津頭却望後湖岸別處已隔東山雲
停艫目送北歸翼惜無瑤華持寄君

詔常郿縣見贈

愛君修政若修身鰥寡來歸乳雉馴堂上五絃銷暇日
邑中千室有陽春謂乘鳧舄朝天子却愧猪肝累主人
辭後讀君懷縣作定知三歲字猶新

登山谷寺上方答皇甫侍御卧疾闕陪車騎之
後

梵宮香閣攀霞上天柱孤峰指掌看漢主馬蹤成蔓草

寺中間石上有竅穴古

法王身相示空棺

禪門第三祖
燦大師遺塔

老相傳云漢武帝馬跡

在此坊天寶中別駕李常開棺取
金身荼毘收舍利重起塔供養

雲扶踴塔青霄庫

皮寄

切

松廕禪庭白日寒不見戴逵心莫展賴將新贈比琅

玕

答皇甫十六侍御北歸留別作

正當楚客傷春地豈是騷人道別時俱徇空名嗟欲老
况將行役料前期勞生多故應同病羸馬單車莫自悲

明日相望隔雲水解顏唯有袖中詩

答李滁州見寄

相逢遽歎別離牽三見江臯蕙草鮮
白髮俱生歡未再
滄洲獨往意何堅
愁看郡內花將歇
忍過山中月屢圓
終日望君休汝騎
愧無堪報起予篇

得柳員外書封寄近詩書中兼報新主行營兵
馬因代書戲答

郎官作掾心非好
儒服臨戎政已聞
說劍嘗宗漆園吏

戒嚴應笑棘門軍，遙知抵掌論皇道。
時復吟詩向白雲，百越待君言即叙。
相思不敢愴離羣。

同皇甫侍御齋中春望見示之作

望遠思歸心易傷，况將衰鬢偶年光。
時攀芳樹愁花盡，書掩高齋厭日長。
甘比流波辭舊浦，忍看新草遍橫塘。
因君贈我江楓詠，春思如今未易量。

傷春贈遠

去水流年日並馳，年光客思兩相隨。
咨嗟斑鬢今承弁

慙愧新荷又發池楊柳逶迤愁遠道鷓鴣啁哳怨南枝
憶君何啻同瓊樹但向春風送別離

奉和中書常舍人晚秋集賢院即事寄贈徐薛

二侍御

漢家金馬署帝座紫微郎圖籍凌羣玉歌詩冠柏梁陰
陰萬年樹肅肅五經堂揮翰忘朝食研精待夕陽晴空
露盤迴秋月瑣窻涼遠興生斑鬢高情寄縹囊歲筵雙
鸞鷲夙昔並翺翔汲冢同刊謬蓬山共補亡差池摧羽

翻流落限江湘禁省一分袂昊天三雨霜石渠遺跡滿
水國暮雲長早晚朝宣室歸時道路光

江寧訓鄭縣劉少府兄贈別作

往年脫絳掖接武仕關西結綬腰章並趨堦手板齊仙
山不用買朋酒日相攜抵掌誇潭壑忘情向組珪事遷
時既往年長跡逾暎何為青雲器猶嗟濁水泥役牽方
遠別道在或先迷莫見良田晚遭時亦杖藜

送李賓客荆南迎親

宗室劉中壘文場謝客兒當為天北斗曾使海西陸毛
節精誠著銅樓羽翼施還申供帳別言赴倚門期恩渥
霑行李晨昏在路歧君親兩報遂不敢議傷離

題玉潭

碧玉徒強名冰壺難比德唯當寂照心可並齋淪色

海上懷華

一作洛

中舊遊寄鄭縣劉少府造渭南

王少府奎

涼風臺上三峰月

王任鄭縣日于城角築小臺號涼風臺每與數公置酒登臨望二華雲月

不夜城邊萬里沙，離別莫言關塞遠。
夢魂長在子真家。
和虞部韋郎中尋楊駙馬不遇

金屋瓊臺蕭史家，暮春三月渭州花。
到君仙洞不相見，謂已吹簫乘早霞。

李張皇甫閻權等數公並有送別之作見寄因
答

洞庭正波蘋葉衰，豈是秦吳遠別時。
謝君篋中綺端贈，何以報之長相思。

將還越留別豫章諸公

客鳥倦飛思舊林
徘徊猶戀衆花陰
他時相憶雙航葦
莫問吳江深不深

送別荆南張判官

輜車駱一作馬往從誰
夢浦蘭臺日更遲
欲識桃花最

多處前程問取武陵兒

陪王員外北樓宴待月

勸酒論心夜不疲
含情有待問誰思
佇看晴月澄澄影

來照江樓酌時

垂花塢醉後戲題

賦得俱字
韻并序

莊周臺南十許步有丘一成上有膠藤垂花而蔓
草荒之且隔大溝路不可陟道士張太和伐薪為
堰封土以壅澮余亦命雉氏治蕪穢而剗宿莽遂
闢為登賦之位位廣二席席間足以函尊酒二簋
三月戊子及羣英由堰而升焉諸花倒垂下拂杯
案紫葩縹緹如釵如旒衆君子瞻美之不足故秉

燭進酒以繼落日欲稱醉而不能也因命其地曰
垂花塢堰曰緣花堰亦飾之以詩云

紫蔓青條拂酒壺落花時與竹風俱歸時自負花前醉
笑向儵魚問樂無

御定全唐詩卷二百四十七